

INUIT ATAQATIGIIT INATSISARTUNI



UPA2022/177

12. maj 2022

Charlotte Pike

Qaffasinnerusumik ilinniarnert ungasissumiit ilinniartitsinikkut ingerlanneqarsinnaanerat Savalimmiuni, Islandimi Kalaallit Nunaannilu Naalakkersuisut nunani pingasuni tigussaasumik suleqatigiiffimmik pilersitsisoqarsinnaanera pillugu misissuisoqarnissaa Nunat Avannarliit Killiit Siunnersuisoqatigiiffiata kammattuutigaa.

(Aallartitat Siulittaasuat Pipaluk Lynge-Rasmussen)

Nunat Avannarliit Siunnersuisooqatigiiffianiit oqaaseqartoq qujaffigalugu kaammattuutaasoq Inuit Ataqatigiinniit ima oqaaseqarfigissavarput.

Qaffasinnerusumik ilinniarneq, ilinniagarluunniit suugaluarpata tamaasa pingaarluinnartutut anguniagaqarfiusussatut isigalugit una kaammattuut ilaatigut timitalerneqalereeraluartoq tigulluarneqarnera qujassutigaarput. Nunarput isorartooq ilinniarnissallu pingaaruteqarluinnarnerata nukiit allat periarfissiineratigut inukitsuni najukkami ilinniagaqarfiusinnaasimangitsut maannamut suli periarfissikkiartuinnalermagit Inuit Ataqatigiinniit nuannaarutigaarput. Teknologit ineriartornerata pitsavimmik periarfissiineri suli annertusiartuinnarput. Unamminartorlu ilaatigut aaqqitassaavoq attaveqaatitigut nukittorsaaqqinnissaq ingammik isorliunerusuni attaveqaatitigut kipiluttunarfiusuni. Attaveqaatit eqqarsaatigalugit taamatut ilinniarlernissamut piffiit ilaanni maannamut suli sukkassuseq unamminartuusimassasoq naatsorsuutigaarput.

eGUX atorlugu misilittagaqalereersimalerpugut tassami soraarummeersimasut persuarsiornaqisut siulliit 26-it naammassisimapput. Taamatullu

INUIT ATAQATIGIIT INATSISARTUNI



angerlarsimaffik qimangikkaluarlugu ilinniarneq inuttut toqqissisimanartuusoq
peqqinnartuuserlu angusimasaq pitsaalluinnarpoq.

Savalimmiut, Island Nunarpullu qaffasinnerusumik ilinniarnertit ungasissumiit
ilinniartitsinikkut ingerlanneqarsinnaanerata Naalakkersuisut nunani
pingasuusuni suleqatigiiffimmik pilersitsisoqarsinnaanera pillugu
misissuisoqarnissaa taamatut oqaaseqarfigalugu Inuit Ataqatigiinniit
akuersissutigaarput.